

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَوَّلُ رِسَالَةٍ تَكُونُ لَوَكِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



KEAJAIBAN ISTIGHFAR DALAM HIDUP: HAPUS DOSA, RAIH BERKAT

Mohd Shukri Mohd Senin, Mohe Huefiros Efizi Husain, Mohd Farhan Ahmad

Dalam kehidupan moden yang penuh cabaran, manusia sering terdedah kepada pelbagai tekanan, dosa, dan kelalaian. Ada kalanya hati kita terasa sempit, jiwa resah, dan fikiran serabut dengan pelbagai urusan dunia. Dalam keadaan ini, Islam menyediakan jalan yang mudah tetapi penuh keberkatan untuk membersihkan hati dan menenangkan jiwa, iaitu melalui istighfar. Istighfar bukan sekadar lafaz memohon ampun, tetapi satu bentuk pengakuan seorang hamba atas kelemahan diri dan sebagai bukti cinta Allah SWT yang sentiasa membuka pintu keampunan kepada semua hambaNya.

Allah SWT berfirman di dalam Surah Nuh ayat 10–12:

"Sehingga aku berkata (kepada mereka): "Pohonkanlah ampun kepada Tuhan kamu, sesungguhnya adalah Dia Maha Pengampun. (Sekiranya kamu berbuat demikian), Dia akan menghantarkan hujan lebat mencurah-curah kepada kamu; Dan Dia akan memberimu dengan banyaknya harta kekayaan serta anak-pinak; dan Dia akan mengadakan bagi kamu kebun-kebun tanaman, serta mengadakan bagi kamu sungai-sungai (yang mengalir di dalamnya)."

Ayat ini jelas menunjukkan bahawa istighfar bukan hanya boleh menghapuskan dosa, malah mendatangkan rezeki, keturunan, dan keberkatan dalam hidup. Rasulullah SAW sendiri memperbanyak istighfar setiap hari, walaupun Baginda adalah seorang yang maksum dan terpelihara daripada dosa. Dalam sebuah hadis riwayat Ibn Majah, Baginda bersabda:

"Barangsiapa yang memperbanyak istighfar, nescaya Allah akan memberikan jalan keluar bagi setiap kesusahannya, kelapangan untuk setiap kesempitannya, dan rezeki dari arah yang tidak disangka-sangka."



Berikut adalah beberapa kelebihan Istighfar dalam kehidupan seharian:

1. Menghapuskan dosa dan kesalahan. Setiap insan tidak terlepas daripada melakukan kesalahan. Dengan istighfar, dosa kecil yang dilakukan tanpa sedar dapat dihapuskan, sekaligus menyelamatkan hati daripada terus hitam dan lalai.
2. Mendatangkan rezeki dan keberkatan dalam hidup. Sebagaimana janji Allah di dalam Surah Nuh, istighfar menjadi sebab turunnya rezeki yang melimpah ruah dan keberkatan dalam hidup, sama ada dalam bentuk material seperti harta yang melimpah mahupun dalam bentuk spiritual seperti keluarga yang bahagia.
3. Menenangkan jiwa dan menguatkan hati. Dalam era moden yang dipenuhi tekanan akademik, pekerjaan, dan media sosial, istighfar menjadi terapi rohani yang menenangkan jiwa dan membangkitkan kekuatan dalaman.
4. Jalan keluar daripada kesempitan hidup. Seringkali manusia buntu mencari jalan penyelesaian terhadap sesuatu masalah. Rasulullah SAW menjanjikan bahawa istighfar membuka pintu keluar yang tidak disangka, membuktikan kebergantungan kepada Allah adalah kunci sebenar.

Istighfar adalah amalan mudah tetapi mempunyai keajaiban yang besar dalam hidup. Ia menghapuskan dosa, melapangkan rezeki, menenangkan jiwa, serta membuka jalan keluar daripada segala kesempitan. Dalam kehidupan moden yang penuh cabaran, istighfar seharusnya menjadi amalan harian setiap Muslim, sekurang-kurangnya 100 kali sehari sebagaimana dicontohkan oleh Rasulullah SAW.

Marilah kita menjadikan istighfar sebagai sahabat setia dalam kehidupan. Dengan memperbanyak istighfar, bukan sahaja dosa diampuni, malah keberkatan hidup dan kebahagiaan sejati dapat dikecapi di dunia serta keselamatan hakiki di akhirat.